

## ÁKVÖRÐUN FRAMKVÆMDASTJÓRNARINNAR

2005/EES/16/07

frá 16. september 2002

um skilyrði fyrir samanburðartilraunum og -prófunum á vegum Bandalagsins á fræi og fjölgunarefni tiltekinna plantna samkvæmt tilskipunum ráðsins 66/401/EBE, 66/402/EBE, 68/193/EBE, 92/33/EBE, 2002/54/EB, 2002/55/EB, 2002/56/EB og 2002/57/EB (\*)

(tilkynnt með númeri C(2002) 3350)

(2002/756/EB)

FRAMKVÆMDASTJÓRN EVRÓPUBANDALAGANNA  
HEFUR,

með hliðsjón af stofnsáttmála Evrópubandalagsins,

með hliðsjón af tilskipun ráðsins 66/401/EBE frá 14. júní 1966 um markaðssetningu fóðurjurtafræja<sup>(1)</sup>, eins og henni var síðast breytt með tilskipun 2001/64/EB<sup>(2)</sup>, einkum 3. mgr. 20. gr.,

með hliðsjón af tilskipun ráðsins 66/402/EBE frá 14. júní 1966 um markaðssetningu sáðkorns<sup>(3)</sup>, eins og henni var síðast breytt með tilskipun 2001/64/EB, einkum 3. mgr. 20. gr.,

með hliðsjón af tilskipun ráðsins 68/193/EBE frá 9. apríl 1968 um markaðssetningu efnis fyrir kynlausa fjölgun vínviðar<sup>(4)</sup>, eins og henni var síðast breytt með tilskipun 2002/11/EB<sup>(5)</sup>, einkum 3. mgr. 16. gr.,

með hliðsjón af tilskipun ráðsins 92/33/EBE frá 28. apríl 1992 um markaðssetningu á fjölgunarefni og sáðplöntum matjurta, að undanskildu fræi<sup>(6)</sup>, eins og henni var síðast breytt með ákvörðun framkvæmdastjórnarinnar 2002/111/EB<sup>(7)</sup>, einkum 4. mgr. 20. gr.,

með hliðsjón af tilskipun ráðsins 2002/54/EB frá 13. júní 2002 um markaðssetningu sykkurrófufraes<sup>(8)</sup>, einkum 3. mgr. 26. gr.,

með hliðsjón af tilskipun ráðsins 2002/55/EB frá 13. júní 2002 um markaðssetningu matjurtafræs<sup>(9)</sup>, einkum 3. mgr. 43. gr.,

með hliðsjón af tilskipun ráðsins 2002/56/EB frá 13. júní 2002 um markaðssetningu útsæðiskartaflna<sup>(10)</sup>, einkum 3. mgr. 20. gr.,

með hliðsjón af tilskipun ráðsins 2002/57/EB frá 13. júní 2002 um markaðssetningu olíu- og trefjurtafræs<sup>(11)</sup>, eins og henni var síðast breytt með tilskipun 2002/68/EB<sup>(12)</sup>, einkum 3. mgr. 23. gr.,

og að teknu tilliti til eftirfarandi:

- 1) Í tilskipunum 66/401/EBE, 66/402/EBE, 68/193/EBE, 92/33/EBE, 2002/54/EB, 2002/55/EB, 2002/56/EB og 2002/57/EB er gerð grein fyrir því fyrirkomulagi sem framkvæmdastjórnin skal hafa á samanburðartilraunum og -prófunum á vegum Bandalagsins á fræi og fjölgunarefni.
- 2) Tryggja þarf að sýnin í tilraunum og prófunum séu nægilega dæmigerð, a.m.k. þegar um er að ræða tilteknar, valdar plöntur.
- 3) Aðildarríkin skulu taka þátt í samanburðartilraunum og -prófunum á vegum Bandalagsins, að svo miklu leyti sem fræ viðkomandi jurta er yfirleitt ræktað eða markaðssett á yfirráðasvæðum þeirra, til að hægt sé að draga réttar niðurstöður af þeim.

(\*) Þessi EB-gerð birtist í Stjtið. EB L 252, 20.9.2002, bls. 33. Hennar var getið í ákvörðun sameiginlegu EES-nefndarinnar nr. 40/2003 frá 16. maí 2003 um breytingu á I. viðauka (Heilbrigði dýra og plantna) við EES-samninginn, sjá *EES-viðbæti við Stjórnartíðindi Evrópusambandsins* nr. 39, 31.7.2003, bls. 2.

<sup>(1)</sup> Stjtið. EB L 125, 11.7.1966, bls. 2298/66.

<sup>(2)</sup> Stjtið. EB L 234, 1.9.2001, bls. 60.

<sup>(3)</sup> Stjtið. EB L 125, 11.7.1966, bls. 2309/66.

<sup>(4)</sup> Stjtið. EB L 93, 17.4.1968, bls. 15.

<sup>(5)</sup> Stjtið. EB L 53, 23.2.2002, bls. 20.

<sup>(6)</sup> Stjtið. EB L 157, 10.6.1992, bls. 1.

<sup>(7)</sup> Stjtið. EB L 41, 13.2.2002, bls. 43.

<sup>(8)</sup> Stjtið. EB L 193, 20.7.2002, bls. 12.

<sup>(9)</sup> Stjtið. EB L 193, 20.7.2002, bls. 33.

<sup>(10)</sup> Stjtið. EB L 193, 20.7.2002, bls. 60.

<sup>(11)</sup> Stjtið. EB L 193, 20.7.2002, bls. 74.

<sup>(12)</sup> Stjtið. EB L 195, 24.7.2002, bls. 32.

- 4) Fyrirkomulagið á samanburðartilraunum og -prófunum þegar um er að ræða útsæðiskartöflur tekur m.a. einnig til tiltekinna, skaðlegra lífvera, sem falla undir gildissvið tilskipunar ráðsins 2000/29/EB frá 8. maí 2000 um verndarráðstafanir gegn því að inn í bandalagið berist lífverur sem eru skaðlegar plöntum eða plöntuafurðum og gegn útbreiðslu þeirra innan bandalagsins <sup>(1)</sup>, eins og henni var síðast breytt með tilskipun framkvæmdastjórnarinnar 2002/28/EB <sup>(2)</sup>.
- 5) Á tímabilinu frá 2003 til 2004 skal gera samanburðartilraunir og -prófanir á vegum Bandalagsins á fræi og fjölgunarefni, sem er uppskera ársins 2002, og einnig skal gera grein fyrir einstökum atriðum við slíkar tilraunir og prófanir.
- 6) Þegar samanburðartilraunir og -prófanir á vegum Bandalagsins vara lengur en í eitt ár skal framkvæmdastjórnin viðurkenna þá hluta tilrauna og prófana, sem eru gerðir eftir fyrsta árið, án frekari tilvísunar til fastanefndarinnar um fræ og fjölgunarefni í landbúnaði, garðyrkju og skógrækt, að því tilskildu að nauðsynlegar fjárveitingar séu fyrir hendi.
- 7) Ráðstafanirnar, sem kveðið er á um í þessari ákvörðun, eru í samræmi við álit fastanefndarinnar um fræ og fjölgunarefni í landbúnaði, garðyrkju og skógrækt.

## SAMÞYKKT ÁKVÖRÐUN ÞESSA:

*1. gr.*

Samanburðartilraunir og -prófanir á vegum Bandalagsins skulu gerðar á tímabilinu frá 2003 til 2004 á fræi og fjölgunarefni þeirra plantna sem eru taldar upp í viðaukanum.

Hámarkskostnaður við tilraunirnar og prófanirnar á árinu 2003 skal vera eins og fram kemur í viðaukanum.

Upplýsingar um einstök atriði tilraunanna og prófananna koma fram í viðaukanum.

*2. gr.*

Öll aðildarríkin skulu taka þátt í samanburðartilraunum og -prófunum Bandalagsins, svo framarlega sem fræ og fjölgunarefni þeirra plantna, sem eru tilgreindar í við-

aukanum, er að öllu jöfnu ræktað eða markaðssett á yfirráðasvæði þeirra.

*3. gr.*

Þegar um er að ræða mat á útsæðiskartöflum samkvæmt tilskipun 2000/29/EB skal stofnunin, sem sér um tilraunir og prófanir fyrir þjónustudeildir framkvæmdastjórnarinnar, merkja fyrir fram hvert sýni sem lagt er fram til prófunar á rannsóknarstofu.

Ef staðfest er að sýni eru menguð af völdum einhverra viðkomandi, skaðlegra lífvera skal gera tilskildar ráðstafanir sem krafist er samkvæmt fyrirkomulagi Bandalagsins um plöntuheilbrigði.

Slíkar ráðstafanir skulu ekki hafa áhrif á almenn skilyrði sem gilda um skoðun á árlegum skýrslum um staðfestar niðurstöður úr samanburðartilraunum og -prófunum á vegum Bandalagsins og ályktanir sem af þeim eru dregnar.

*4. gr.*

Með fyrirvara um fjárlagaheimildir getur framkvæmdastjórnin ákveðið að tilraunum og prófunum, sem um getur í viðaukanum, verði haldið áfram árið 2004. Kostnaður við tilraunir eða prófanir, sem haldið er áfram á þessum grundvelli, skal ekki vera meiri en sem nemur þeirri fjárhæð sem tilgreind er í viðaukanum

*5. gr.*

Ákvörðun þessari er beint til aðildarríkjanna.

Gjört í Brussel 16. september 2002.

*Fyrir hönd framkvæmdastjórnarinnar,*

David BYRNE

*framkvæmdastjóri.*

<sup>(1)</sup> Stjútíð. EB L 169, 10.7.2000, bls. 1.

<sup>(2)</sup> Stjútíð. EB L 77, 20.3.2002, bls. 23.

## VIÐAUKI

Tilraunir og prófanir sem ber að gera á árinu 2003

Tegund	Stofnun sem ber ábyrgð	Eiginleikar sem ber að meta	Fjöldi sýna	Kostnaður (í evrum)
<i>Gramineae</i> (*)	NAK Emmeloord (NL)	Ósvikni og hreinleiki afbrigðis (í akurskoðun) Gæði fræs við skoðun (á rannsóknarstofu)	230	11 600
<i>Zea mays</i>	ENSE Milano (I)	Ósvikni og hreinleiki afbrigðis (í akurskoðun) Gæði fræs við skoðun (á rannsóknarstofu)	80	14 400
<i>Triticum aestivum</i> (*)	DFE Merelbeke (B)	Ósvikni og hreinleiki afbrigðis (í akurskoðun) Gæði fræs við skoðun (á rannsóknarstofu)	120	7 100
<i>Solanum tuberosum</i>	DGPC Oeiras (P)	Ósvikni og hreinleiki afbrigðis, plöntuheilbrigði (í akurskoðun) Plöntuheilbrigði (hringrot/ brúnfúi/ spóluhnýðissýki (pstv)) (á rannsóknarstofu)	250	51 900
<i>Glycine max</i>	ENSE Milano (I)	Ósvikni og hreinleiki afbrigðis (í akurskoðun)	50	8 000
<i>Brassica napus</i> (*)	NIAB Cambridge (UK)	Ósvikni og hreinleiki afbrigðis (í akurskoðun) Gæði fræs við skoðun (á rannsóknarstofu)	120	25 600
<i>Helianthus annuus</i>	ETSI Madrid (E)	Ósvikni og hreinleiki afbrigðis (í akurskoðun) Gæði fræs við skoðun (á rannsóknarstofu)	80	64 600
<i>Hordeum vulgare</i> <i>Triticum aestivum</i> <i>Lolium Perenne</i> <i>Brassica napus</i> <i>Beta vulgaris</i>	BFL Vienna (A)	Gæði fræs við skoðun (á rannsóknarstofu) samkvæmt ákvörðun framkvæmdastjórnarinnar 98/320/EB	300	22 300
<i>Lycopersicon lycopersicum</i>	ENSE Milán (I)	Ósvikni og hreinleiki afbrigðis (í akurskoðun) Gæði fræs við skoðun (á rannsóknarstofu)	70	13 300
<i>Allium ascalonicum</i> (*)	NAKT Roelofarendsveen (NL)	Ósvikni og hreinleiki afbrigðis (í akurskoðun) Plöntuheilbrigði (á rannsóknarstofu)	70	20 400
<i>Vitis vinifera</i>	ISV Conegliano Veneto (I)	Ósvikni og hreinleiki afbrigðis (í akurskoðun) Plöntuheilbrigði (á rannsóknarstofu)	102	34 600
Heildarkostnaður				273 800

(\*) Samanburðartilraunir og -prófanir sem vara lengur en í eitt ár.

Tilraunir og prófanir sem ber að gera á árinu 2004

Tegund	Stofnun sem ber ábyrgð	Eiginleikar sem ber að meta	Fjöldi sýna	Kostnaður (í evrum) (**)
<i>Gramineae</i> (*)	NAK Emmeloord (NL)	Ósvikni og hreinleiki afbrigðis (í akur-skoðun) Gæði fræs við skoðun (á rannsóknarstofu)	230	27 000
<i>Triticum aestivum</i> (*)	DFE Merelbeke (B)	Ósvikni og hreinleiki afbrigðis (í akur-skoðun) Gæði fræs við skoðun (á rannsóknarstofu)	120	16 700
<i>Brassica napus</i> (*)	NIAB Cambridge (UK)	Ósvikni og hreinleiki afbrigðis (í akur-skoðun) Gæði fræs við skoðun (á rannsóknarstofu)	120	11 000
<i>Allium ascalonicum</i> (*)	NAKT Roelofarendsveen (NL)	Ósvikni og hreinleiki afbrigðis (í akur-skoðun) Plöntuheilbrigði (á rannsóknarstofu)	70	25 000
Heildarkostnaður				79 700 (**)

(\*) Tilraunir og -prófanir sem vara lengur en í eitt ár.

(\*\*) Áætlaður kostnaður.